



Borgarráð

Samþykkt velferðarráðs um viðauka við þjónustusamning um samræmda móttöku flóttafólks

Á fundi velferðarráðs þann 8. desember 2025 voru samþykkt drög að viðauka við þjónustusamning milli félags- og húsnæðismálaráðuneytisins, Vinnumálastofnunar og Reykjavíkurborgar um samræmda móttöku flóttafólks, dags. í desember 2025.

Fulltrúi Framsóknarflokksins sat hjá við afgreiðslu málsins.

Velferðarráð lagði fram svohljóðandi bókun:

Markmið samnings um samræmda móttöku flóttafólks er að tryggja flóttafólki jafna þjónustu óháð því hvernig það kemur til landsins en áður fyrr var verulegur munur á þjónustunni. Velferðarráð Reykjavíkurborgar fagnar því að ekki eigi að hætta með samninginn líkt og fyrri áætlanir gerðu ráð fyrir. Vinna þarf að því að bæta samninginn. Sem dæmi gerir velferðarráð athugasemdir við að búseta í húsnæði Vinnumálastofnunar sé stytt úr átta vikum í fjórar. Þetta skapar óraunhæfan þrýsting á þá sem eru í leit að húsnæði sem og á það starfsfólk sveitarfélagsins sem aðstoðar við slíka leit. Velferðarráð telur að endurskoða þurfi greiðslur vegna einstaklinga sem hafa fengið þjónustu lengur en í tvö ár þar sem um er að ræða einstaklinga með umfangsmiklar stuðningsþarfir. Kostnaðarlíkan samningsins kemur ekki til móts við þennan hóp að fullu. Til að tryggja framkvæmd laga um farsæld barna, svo sem vegna stuðnings til íþrótta og tómsunda þeirra, til að fyrirbyggja jaðarsetningu, kallar velferðarráð eftir auknu fjármagni sem fer í að þjónusta börnin. Velferðarráð Reykjavíkurborgar hvetur eindregið til þess að unnið verði í nánú samstarfi við sveitarfélög og að ríkið tryggi fjármagn til að uppfylla markmið samræmdrar móttöku og þar með samfélagslega þátttöku.

Fulltrúi Framsóknarflokksins lagði fram svohljóðandi bókun:

Fulltrúi Framsóknar gagnrýnir óvönduð vinnubrögð ríkisstjórnarinnar í samskiptum við sveitarfélög vegna samræmdrar móttöku flóttafólks. Í sumar var Reykjavíkurborg tilkynnt um uppsögn samningsins og umsagnartími vegna þessa var í júlí þegar sumarleyfi standa yfir. Síðar var ákveðið að falla frá eða fresta uppsögn og í staðinn lagður fram viðauki við samninginn. Borginni var gefin óeðlilega skammur frestur til að undirrita viðaukann, fyrst til 8. desember með viðvörun um stöðvun greiðslna ef hann yrði ekki undirritaður. Fresturinn var síðar framlengdur til 12. desember eftir athugasemdir velferðarráðs. Slík stjórnsýsla er óásættanleg. Um er að ræða viðkvæman hóp sem þarfnast aukinnar þjónustu til að geta tekið virkan þátt í samfélaginu. Samningurinn er sveitarfélögunum óhagstæður og veltir kostnaði yfir á þau vegna verkefna sem ríkið hyggst taka yfir. Sérstaklega vekur áhyggjur að tími til að útvega húsnæði, samkvæmt viðauka, er styttur úr átta vikum í fjórar, þrátt fyrir mikinn húsnæðisskort. Fulltrúi Framsóknar leggur áhersla á að börn fái nauðsynlega þjónustu sem fjármagna þarf betur af





hálfu ríkisins og bendir á stöðu eldra fólks sem einungis á rétt á fjárhagsaðstoð sveitarfélaga en ekki ellilífeyrisgreiðslna vegna þess að þau hafa ekki verið nægjanlega lengi í landinu.

Drögin að viðaukanum eru hér með send borgarráði.

Virðingarfyllst,

Rannveig Einarsdóttir
sviðsstjóri velferðarsviðs

Hjálagt:

Drög að III. viðauka þjónustusamnings milli félags- og húsnæðismálaráðuneytisins, Vinnumálastofnunar og Reykjavíkurborgar, um samræmda móttöku flóttafólks, lögð fram á fundi velferðarráðs 8. desember 2025.



Reykjavík



III. viðauki þjónustusamnings milli félags- og húsnæðismálaráðuneytis, Skúlagötu 4, 101 Reykjavík, kennitala: 521218-0610 (hér eftir nefndur þjónustukaupi), Vinnumálastofnunar, Grensásvegi 9, 108 Reykjavík, kennitala: 700594-2039, og **SVEITARFÉLAG**, kennitala: **XXXXXX** (hér eftir nefnt þjónustusali), um samræmda móttöku flóttafólks sem undirritaður var **x. XXXXX** 2024.

1. gr.

Í stað orðanna „félags- og vinnumarkaðsráðuneytis“ í öllum beygingarföllum í heiti samningsins, fyrirsögn 4. gr., 1. mgr. 4. gr. og 4. mgr. 11. gr. kemur, í viðeigandi beygingarfalli: félags- og húsnæðismálaráðuneytið.

2. gr.

Í stað orðsins „ársfjórðungslega“ í 1. mgr. 2. gr. samningsins kemur: mánaðarlega.

3. gr.

Þrátt fyrir 3. gr. samningsins, 1. gr. viðauka samningsins sem og 2. gr. II viðauka samningsins, tekur þjónustusali að sér að veita allt að **xx** notendum í senn þjónustu.

4. gr.

2. og 3. mgr. 4. gr. samningsins falla brott.

5. gr.

Eftirfarandi breytingar verða á 5. gr. samningsins:

a. 7. mgr. orðast svo:

- i) Í tilfellum fjölskyldusameininga við fylgdarlaus börn hér á landi skal Vinnumálastofnun, með hagsmuni barnsins í fyrirrúmi, leitast við að tryggja barninu áframhaldandi búsetu í því sveitarfélagi sem það hefur dvalið í. Þiggi fjölskyldan boð um að flytjast í ákveðið sveitarfélag skal Vinnumálastofnun undirbúa komu fjölskyldunnar til landsins í samráði við sveitarfélagið. Vinnumálastofnun greiðir samkvæmt samningi þessum fyrir fjölskylduna líkt og um kvótaflóttafólk væri að ræða.

b. 8. mgr. fellur brott.

6. gr.

Í stað orðsins „átta“ í 1. og 2. másl. 2. mgr. 7. gr. samningsins kemur: fjögurra.

7. gr.

5. mgr. 10. gr. samningsins fellur brott.

8. gr.

Þrátt fyrir 14. gr. samningsins, 1. gr. viðauka samningsins sem og 2. gr. II viðauka samningsins, skal samningurinn gilda til og með 31. desember 2026.



9. gr.

Viðauki þessi er undirritaður rafrænt.

DRÖG